

唐文粹

第八冊



PDG

唐文粹卷第十一

吳興姚鉉纂

古調乙

總四十六首

楚騷體十一

九諷

并系述

皮日林

反招寇

并序

悼賈

并序

效古詩三十五

江有楓一篇

蕭穎士

菊榮五章

有竹一篇

蟬鳴五章

宋華

涼雨一篇

蕭穎士

虞獲子鹿一篇

韋應物

上古之什補亡訓傳十三章

顧況

倬彼我系一首

王勃

元和聖德詩一首

韓愈

鄆州溪堂詩一首

漢隄詩一首

盧肇

有所恨二章

歐陽詹

河之水二章

韓愈

九諷系述

并序

皮日休

昔在屈平既放作離騷經正詭俗而爲九歌辨窮愁而爲九章是後詞人撫而爲之皆所以嗜其麗詞揮其逸藻者也至若宋玉之九辨王褒之九懷劉向之九歎王逸之九思其爲清怨素豔幽快古秀皆得芝蘭之芬芳鸞鳳之毛羽也然自原已降繼而作者皆相去數百祀足知其文難述其辭罕繼者矣大凡有文人不擇難易皆出於毫端者乃大作者也楊雄之文丘軻乎而有廣騷也梁竦之辭班馬乎而有悼騷也又不知王逸奚罪其文不以二家之述爲離騷之兩派也昔者聖賢不偶命必著書以見志況斯文之怨抑歟噫吾之道不爲不明吾之命未爲不偶而見志斯文者吾懼來世任臣之君因謗而去賢持祿之士以猜而遠德故復嗣數賢之作以九爲數命之爲九諷焉嗚呼百世之下復有修離騷章句者乎則吾之文未過不爲乎廣騷悼騷也

粵勾亶之薄俗兮其風狡而且苦吾欲以直道握其邪心兮皆騷

容而莫顧前誨行兮後止高論仰兮下俯咸爲吾之儼爲愚兮並以吾之羶爲僞羌靈修之乃吾知兮先職我而爲輔奈其臣之信信兮及不知吾之所撫吾欲以明喆之性辨君臣之分兮定文物之數吾欲以正訐之道兮進忠賢而退姦豎吾欲以醇醲之化兮反當今而爲往古吾欲以忖度之志兮定觚圓而反規矩念儻覈之在位兮若臯羊之當路內灼怛以如傳兮復何知其所愬乃指天而鬱悠兮將天奪乎國祐永惄惄以何言兮將求知其吾祖

正俗

有肪兮點而謂之不絜有泉兮壅而謂之不決有莛兮轡而謂之不芳有軸兮輳而謂之不轍聲咍許遠切啼以無音兮氣鬱悒而空咽旣惄惄以增懼兮又謾謾漫而不訣誣彭祖以爲孺兮謫殤子以爲耄夥眾人之難信兮持夸者之不悅佞爲疵兮何去姦爲疵兮莫酬音譴爲轡兮莫御謗爲玉兮何切彘旣臙而必烹兮木方爨公切兮必折心轡轡而似車兮思絲絲而如殿手欲動兮似羣

足將行兮如綬旣不辨其顏跖兮遂一貫於堯桀吾哀生之不遲  
兮奚至死而憊憊念帝座之不燦他明切兮故交光於卷舌旣何路  
以自辨兮遂沒齒而癆刺

遇謗

靳尚之言兮美如嬪子蘭之氣兮醲於醒旣怒縣縣音以相向兮遂  
裹足而南征面愜愜以美色心慄慄以何情耳方聰兮忽睽目正  
視兮忽盲目當午兮便昃天方晝兮不明欲泣兮有血將啼兮失  
聲望靈修兮似失出國門兮若驚軻識怨兮亦緩駟知愁兮復鳴  
旣徜徉兮夏水復眷戀兮南荆嗟余夙秉於大訓兮涵清骨之忠  
貞旣貿貿者之莫予容兮向重蒼而自盟旣憚路南切仁以憑義兮  
遂鉅信而規規誠將眞宰之不仁兮胡爲役余以此生彼鸞斯之  
有賊兮固不能容乎鵠鵠彼茨菰之叢穢兮固不能讓乎杜蘅已  
矣乎國無人兮莫我留將訴帝于玉京

見逐

荷爲凋明兮菱爲襪神荃爲褱居勿兮薜爲褱彈吾棹兮灃之

浦駐吾楫兮湘之湄悲莫悲兮新去國怨莫怨兮新相思幽篁蕭

兮靜晚清漪澹兮去遲湘君欲出兮風水急帝子不來兮煙雨微

芷既老兮白葍於角日將暮兮紅菱朝浮乎鵲鵲啼夕叫乎羈雌

慄禮漾漾兮不止瀦黃悠悠兮何之日出沒兮北渚雲依稀兮九

疑既無人以辯余兮又何心而怨咨退不解其怵悞土音鐸兮進

不知其忤怵寒蜩怨而無聲兮古木悽其寡枝嗟吾鬼之不反兮

千秋萬歲湘中馳

悲遊

慨天道之不明兮何獨生此大佞若鵠鳴入入瑜之能冠兮當一國

而持柄見舌臣之反詐兮信其主以不競轍已覆而又遵兮乞五

將翻而不整不思心腹之疾兮又玩膏肓之病竟客死於咸陽道

兮終不作毒王之幸既養火胡以爲患兮遂倒針音以授柄將

諛臣以肆禍兮豈上天之付命粵吾大以爲不可兮彼以災而爲

慶儻靈均之鬼有知兮刷吾恥於下暝

憫邪

有美一人兮端憂千暗陰萬慙兮曾不得以少休腸結多以莫迴  
兮淚啼極而不流王孫何處兮碧草極目公子不來兮清湘滿樓  
汀邊月色兮曉將曉浦上蘆花兮秋復秋天沈寥以似淬兮峰巉  
崒以如抽簣簪颯兮兩岸杜若死兮霜洲遺余程兮澧之側整余  
陌兮湘之幽望女嬃兮秭歸夢懷宋玉兮荆門愁欲向天以號咷  
兮寸晷不可以少留又不知吾魄所處兮永冥冥以悠悠

端憂

山之巔兮水之涘桂爲祠兮蘭爲祀執玉桴兮扣雷鼓奠金廬兮  
滴浮蟻薦瓊芳兮望暮雲獻椒醑兮拜寒水祝脾蠻以怪談兮巫  
妖冶而魅醉波閃倏兮湘君竹蕭疎兮帝子日將暮兮河伯秋正  
深兮山鬼神之化兮何方人之艱兮至此胡不化其邪而爲正兮  
胡不反其戾而爲義胡不轉其亡而爲興兮胡不易其亂而爲治

但血食於下國兮罪不少裨於有位吾將乘青螭而駕白蚪兮謁  
帝而訴神之累請天弧發鏃兮天指行筆神速悔尤兮俾吾靈修  
而易志

紀祀

粵吾秉志兮絜於瑾瑜芬其德而芳其道兮榮於薜蘿將興國以  
見罪兮擬佐王而蒙辜彼羣小之茸茸兮如慕臭之鼃蜉以大鵬  
爲爵兮以康瓠爲觚以袞衣爲襍兮以黎丘爲墟以鄭姬爲醜兮  
以子產爲愚以鮑焦爲貪兮以孔聖爲巫吾將奮鱗於大空兮奚  
獨慕此江湖吾將發榮於蟠桃兮奚獨守此蒿蕞吾將蕩其魄兮  
驂風輶與軋車謁帝於冥冥之天兮秉其生殺之樞將飄飄以爲  
逝兮亦何必懷此佞邪之故都

捨慕

堯死兮舜滅禹殄兮湯絕似玉兮將沈如金兮永沒行以仁兮止  
以義生以貞兮死以絜念余曾不足以蹈聖圃兮亦慕茲而自悅

湘浦兮煙深沉江兮風切顧影兮自憐撫躬兮永訣鬼慘兮神悲  
雨泣兮泉咽竟汨沒以齎淪兮永幽憂而怫鬱湘之山兮未盡湘  
之流兮不竭千秋兮愁雲萬古兮明月靈均之冤兮孰能銷其氣  
靈均之愁兮孰能釋其結來者之自鑒兮無致位於牙孽

絜死

反招魂并序

屈原作大招魂

或曰景差作疑不能明

宋玉作招魂皮子以爲忠放不如守

介而死奚招魂爲故作反招魂一篇以辨之辭曰

承溟滓之命兮付余才而輔君君旣不得乎志兮余飄飄而播遷  
余蕩大空而就滅兮君又招余俾復身余詣帝以請訣兮帝俾巫  
陽以筮云巫陽語余以不可歸兮故作詞以招君乃下招曰余君  
兮歸來故都慎不可留些其君雄虺兮其民封狐些食民之肝鬲  
以爲其肉兮摘民之髮膚以爲其衣些朝刀鋸而暮鼎鑊兮上燬  
昧而下墨眉尿癢些君兮歸來故都慎不可留些余昔爲比干之

魄兮千僇而余去些未聞于貪生以自招兮余竟終其所處些君  
兮歸來故都慎不可留些余昔爲伍胥之魄兮胥僇而余逝些未  
聞胥貪位以惜生兮執屬鏤而不滯些君兮歸來故都慎不可留  
些余昔爲弘演之魂兮演自殘而余行些余未聞演惜余以不死  
兮俾其義而益明些君兮歸來故都慎不可留些帝命余以輔君  
兮亦以君之忠介些今以忠而見聞兮尙盤桓而有待些將自富  
貴而入羈旅兮其志乃悔些將戀骨肉而惜家族兮何不自裁些  
梟食母而獍食父兮見禽獸之爲生些苟殂殘者眉壽兮實梟獍  
而同名些君平慎勿懷故都之戀歸來乎余爲君存千古忠烈之  
榮枯些

悼賈

井序

余嘗讀賈誼新書見其經濟之道眞命世王佐之才也自漢氏革  
嬴高祖得於矢石不暇延儒人及爲天子制缺度弛處華而夷是  
時獨有叔孫生能定朝儀其制未悉唯生草其書欲以制屈諸侯

推定正朔調革輿服通流貨幣天不祐漢絳灌興謗竟枉其道出  
傳湘沅生自以不得志哀屈平之放逐及渡湘沅沈文以弔之故其  
辭曰疇九州而相君兮何必懷此故都噫余釋生之意矣當戰  
國時屈平不用於荆則有齊趙秦魏矣何不捨荆而相他國乎余  
謂平雖遭靳尚子蘭之讒不忍捨同姓之邦爲他國之相宜矣然  
則生之見棄又甚於平當漢時捨文帝則諸侯矣如適諸侯則新  
書之文抑諸侯而尊天子也捨諸侯則胡越矣則新書之文滅胡  
越而崇中夏也是以其心切其憤深其詞隱而麗其藻傷而雅余  
悲生哀平之見棄又生不能自明其道嗚呼聖賢之文與道也求  
知與用苟不在於一時而在於百世之後者乎其生之哀平歟余  
之悲生歟吾之道也廢與用幸未可知但不知百世之後得其文  
而存之者復何人也咸通癸未中南浮至沅湘復沈文以悼之其  
辭曰

粵炎緒之嫫緜兮其國度之未彰天錫生以命理兮冀其道之益

光偉吳公之知賢兮道其名於文皇既轉別啟軫以召之兮遂位  
之於上庠愍耄儒之蠢愚兮對天問之不臧既羣儒之讓俊兮馳  
其譽之煌煌嗟大漢之丕緒兮蚪其賢於汙潢上下溷而不分兮  
議制削於驕王殺僇勞而不制兮斷梓胡與寇攘羌虜全以侵華  
兮曾不能以抑強餌其嗜之延延兮寔三代之計良念五德之更  
承兮論臚結而不綱乃秉臆以興說兮數用五而色尙黃又諸侯  
以開國兮輸其租於咸陽曾不得以撫民兮俾其君兮何忘請紆  
綢以乘印兮各馳化於所疆上既悅而欲大用兮遭絳灌與東陽  
道既擯兮何明乃出傳於沅湘浮沅波之翕漚兮或漾棹以夷猶  
望靈均之沒所兮顚頻其心之怊怊缺臨汨羅之浩濛兮想懷沙  
之幽憂森樛蘿以蓊鬱兮時迸狖以相號霧雨暗乎北渚蝸蠅毒  
乎芳洲景黯沮以不明兮若天悼乎離騷香依依兮杜若韻淒淒  
兮簫笳山隱隱以掃空兮煙微微而淡秋羌吾不知所感兮淚曠  
恨以橫流當抱蟻於渺瀰兮曾無足以少休既焚藪以傷思兮又

鵲鷺以動愁鳴呼哀哉世既不平領吾道以爲非兮吾復何依  
蘭憔悴兮稂莠繁滋麟鳳匿迹兮梟獍騰威憤匠罷斧兮拙者構  
之離婁閉目兮瞽者揚眉子都蒙袂兮敦洽聘姿嗚呼哀哉亦先  
生之尤也胎丑其世之不可兮何不解而去位又垂萬世之名取  
捨在此奚自謗於童叟兮乃惘然而爲累蓋伊尹三就五就之心  
兮冀其民之可治奈惛惛以不悟兮又被之以非議幸一人之再  
覺兮荅受釐之奧義旣辱王以墮駕兮乃寃慟而已矣訊曰君不  
明兮莫我知幽都寂兮和涕歸文懸日月兮俟後聖用之大故忽  
兮其何足悲

江有楓一篇十章

并序

蕭穎士

江有楓思陸鄭二友吳會舊遊且疾讒也君宦于尹府以直方不  
偶見偏讒佞惟古之賢者有避色避言之義矯然去之二室之間  
有槭樹焉與江南楓形胥類憩於其下而作是詩以貽夫二三子  
焉

江有楓其葉蒙蒙我友自東于以遊從山有槭其葉漠漠我友徂  
北于以休息想彼槭矣亦類其楓矧伊懷人而忘于東東可遊矣  
會之丘矣于山于水于廟于寺于亭于里君子遊焉于以宴喜其  
樂亶亶粵東可居彼吳之墟有田有庭有朋有書有尊有魚君子  
居焉惟以宴飮其樂徐徐我朋在矣彼陸之子彼陸之子淹也如松如杞  
淑問不已我友于征彼鄭之子彼鄭之子騁也如琇如英德音孔明我思  
震澤菱芡幕幕寤寐如覩我思剡谿杉篠萋萋寤寐無迷有鳥有  
鳥粵鷗與鷺浮湍戲渚皓然絜素忘其猜妬彼何人斯曾足傷懼  
此懼維何懼寘于羅彼驕者子讒言孔多我聞先師體命委和公  
伯之愬則如予何悵然山河惟以嘯歌其憂也哉

菊榮一篇五章

并序

菊榮酬贈離且申志也久寓大邑賢宰宋侯惠而好予賦鳴蟬以  
貺別有懷相規備厥卒章于以報焉  
采采者菊芬其榮斯紫英黃萼照灼丹墀愷悌君子佩服攸宜王

國是維大君是毗

宋即太尉文公之子也貽爾子孫百祿萃之

采采者菊于邑之城舊根新莖布葉垂英彼美淑人應家之禎有

弦既鳴我政則平宜爾棟崇必復其慶

采采者菊于邦之府陰槐翳柳邇楹近宇彼勞者子喧卑是處慨

其莫知蘊結誰語企彼高人色斯遐舉

采采者菊于賓之館既低其枝又弱其幹有匪君子是焉披翫良

辰旨酒宴飲無算愴其此別終然永歎

歲方宴矣霜露殘促誰其榮斯有英者菊豈微春華懿此貞色人

之侮我混于薪棘詩人有言好是正直

有竹一篇七章

并序

有竹懿李新後閣而譙親友也

有竹斯竿于閣之前君子秉心惟其貞堅今有竿斯竹于閣之側

君子秉操惟其正直今彼蔚者竹蕭其森矣有開者閣宛其深矣

迴簷幽砌如翼如齒冬之宵霰雪斯灑我有金鑪燻其以歆夏之

日炎景斯鬱我有珍簟淒其以采彼紛者務休其豫矣有旨者酒  
歡其且矣友僚萃止跗萼載韡彼美公之姓兮那歟應積慶兮期  
子惟去之柄兮

蟬鳴一篇五章

并序

宋華

蟬鳴感秋興送將歸也僻守外邑而蘭陵子相過詰朝言歸賦詩  
見志以申贈焉

蟬其鳴矣于彼疎桐庇影容跡何往不容嘒嘒其長永託于風未  
見君子我心忡忡既見君子樂且有融

彼蟬鳴矣于林之表含風飲露以樂吾道有懷載遷伊誰云保未  
見君子我心悄悄既見君子披豁予抱

蟬鳴蟬鳴幽暢乎而肅肅爾庭遠近涼颼言赴高柳叢篁閒之思  
而不見如渴如飢亦既覩止我心則夷

蟬鳴伊何時運未與匪歎秋徂怨斯路阻願言莫從鬱悒誰語君  
子至止慰我延佇何斯違斯倏邇遐舉

歲之秋深蟬其夕吟披衣軒除蕭蕭風林我友來斯言告離衿何以叙懷臨水鳴琴何以贈言委順浮沈

涼雨一章

并序

蕭穎士

涼雨志楊侯樂賓僚也

習習涼雨泠泠浮飈君子樂胥于其賓僚有女斯天式歌且謠歡言終宵惟以招邀于胥樂兮

虞獲子鹿一篇

并序

韋應物

虞獲子鹿憫園鹿也遭虞之機張見畜於人不得遂其天性焉虞獲子鹿畜之城陬園有美草池有清流但見蹙蹙亦聞呦呦誰知其思巖谷之游

上古之什補亡訓傳十三章

顧況

上古懋農也

遐哉上古生棄與柱勾龍氏主乃有甫田惟彼甫田有萬斯年開利之源無乃塞源一廛亦官百廛亦官嗇夫孔艱浸兮暎兮申有